

VINDICIAE  
DOCTRINAE  
MAJORUM  
SCHOLARUM  
PARISIENSIS

2 3 83








Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.83/a





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.83/a



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAQUL 2.3.53/a



EMUNDI  
RICHERII  
DOCTORIS THEOLOGI  
PARISIENSIS  
TESTAMENTUM.

Typis editum Parisiis impensis Auctoris.  
Anno D. MDCXXX.

De novo in lucem editum hoc anno currente 1683.



COLONIÆ,  
Apud BALTHASARUM AB EGMOND  
& Socios. cId Id cLXXXIII.

E M U N D I  
R I C H E R I I

DOCTORIS THEOLOGI  
P. A. R. I. S. I. S. I. S.  
T E S T A M E N T U M

Typis editum Parisi in officina  
Anno D. M. DC. LXXXII.  
De novo in lucem editum hoc anno continet  
omnes editiones huius operis



C O L O N I A  
Apud BALTHASARUM AB EGMOND  
& socios. cl. 1688.

M  
non e  
rerum  
gii,  
Cardi  
Magr  
di Ri  
din d  
facia  
nem  
à se  
tis I  
bund  
qu  
cl



3

M O N I T U M  
Super novâ istâ Editione  
T E S T A M E N T I  
M. EMUNDI RICHERII  
Doct̃oris Sorbonici.



Uoniam Magister Martinus Grandin dicendo sententiam suam die 17. Martii præsentis Anni 1683. de Propositione quam Augusta Parlamenti Parisiensis Curia examinandam miserat ad Sacram Facultatem, multa falsa & à proposito aliena commentus est de doctrinâ M. Emundi Richerii; quæ quidem doctrina non est alia quam doctrina Ecclesiæ Catholicæ; ne aliquis rerum ignarus decipiatur ex sermone istius Professoris Regii, quod olim fuerit alumnus & Bursarius in Collegio Cardinalitio, in quo M. Emundus Richerius mortuus est Magnus Magister: hîc apponere Testamentum M. Emundi Richerii necessarium duxi, ut obstruatur os M. M. Grandin dicentis injusta & falsa. Quamprimum Juris publici faciam aliud Testamentum ejusdem Doct̃oris, seu ordinem quem ipse scripsit manu suâ super Editione Librorum à se compositorum pro defensione Ecclesiæ & Universitatis Parisiensis. Ex quo duo meridianâ luce clariora patebunt. Primum: Magistrum Emundum Richerium numquam mutasse sententiam de Aristocratico regimine Ecclesiæ. Secundum: Quantum insignis iste Doct̃or laboraverit

a 2



verit non pro congerendis nummis nec fundis acquirendis, sed pro veritate antiquæ Doctrinæ Scholæ Parisiensis, & pro supremâ Regis Christianissimi auctoritate, cū sint adhuc plus quàm viginti volumina typis mandanda. Interim Lector veritatis amans potest consulere Librum, qui continet historiam Censuræ Antonii Santarelli Jesuitæ, ut cognoscat quanta passus sit Magister Edmundus Richerius pro defensione Jurium Regis & Regni, usque adeò, ut dicere soleret: **IN MEDIO REGNO JURA REGNI TUEOR, ET EXUL FIO.** Qui videlicet à Collegio suo egredi non audebat, ne violentas manus illi inferrent satellites insidarii Romanorum Assellarum pretio conducti. Audiat ergo M. M. Grandin hæc verba Sancti Augustini: Et in mortuum non sæviat: *homines sumus; unde aliud aliter sapere quàm se res habet, humana tentatio est. Nimis autem amando Sententiam suam, vel invidendo melioribus, usque ad præcidendæ Communionis & condendi Schismatis, vel hæresis Sacrilegium pervenire, diabolica præsumptio est. In nullo autem aliter sapere quàm se res habet, Angelica perfectio est. Qui itaque homines sumus, sed spe Angeli sumus: quamdiu perfectionem Angeli non habemus, præsumptionem diaboli non habeamus.*

*<sup>b</sup> Sed exurge veritas; exurge, & quasi de patientiâ erumpe. Nullam volo consuetudinem defendas: Nam jam & illa sub quâ te fruebaris, expungitur. Te esse demonstra: ipsa Scripturas tuas interpretare, quas consuetudo non novit; Si enim nosset, numquam esset. Magister M. Grandin dolet coram amicis suis, & lachrymatur quòd subsignaverit supplicationi factæ Parlamento Parisiensi pro libertate Comitiorum Scholæ Parisiensis. Timuit perdere quadringentas libras annui redditus quas habet cum pane saccari à Monialibus Sanctæ Catharinæ in vico Sancti Diony-*

*<sup>a</sup> Contà Donatist. L. 2. c. 2. <sup>b</sup> Tertull. de veland. virg. c. 3.*



5  
Dionysii, quarum OEconomus temporalis factus est per  
illustrissimum virum, qui desiderabat ab illo istam subscri-  
ptionem. Justius timeat privari sexcentis libris annui redi-  
tus pro munere Regii Censoris Librorum, cum in libris  
editis apud Franciscum Muguet anno 1682. de Disciplinâ  
Ecclesiasticâ, inter alias multas Propositiones novas, fal-  
sas, & temerarias, approbaverit has duas, quas gallicè  
scriptas, ut sunt, referam, ne mutasse vel minimum verbum  
mihi possit objici.

Prima continetur tomo 2. part. 4. L. I. p. 8. columnâ B.  
*Jesus Christ a donné à Saint Pierre toutes les grandeurs  
& toutes les prérogatives, qui ne se sont découvertes, &  
qui ne se découvriront que dans la longue succession des Sie-  
cles. Et infra. Tous ces Theologiens consideroient avec les  
yeux d'une foy éclairée le Fils de Dieu mesme comme le chef  
invisible residant tres-singulierement dans le chef visible de  
son Eglise, & déployant successivement dans la revolution  
des Siecles les pouvoirs celestes de son Sacerdoce, à mesu-  
re que suivant sa divine sagesse, & son incomprehensible  
charité, il le jugeoit avantageux à la formation, au pro-  
grès, & à la consommation de son corps mystique.*

Posito hoc novo & inaudito antiquis Sanctis Patribus  
dogmate, sequitur necessariò & manifestissimè, quòd aucto-  
ritas, quòd Potestas, quòd Jus deponendi Imperatores &  
Reges data sunt à Christo Successoribus Sancti Petri:  
quandoquidem Gregorius VII. declaravit in Concilio Ro-  
mano, teste Onufrio & Baronio, se habere hanc Potesta-  
tem, ex quâ declaratione Bellarminus dicit fidei esse arti-  
culum, Papam posse Reges deponere. Non solum au-  
tem Gregorius VII. sed octodecim Summi Pontifices  
hanc Potestatem suam esse dixerunt & verbis & factis.  
Victor. III. Urbanus II. Paschalis II. Gelasius II. Ca-  
lixthus II. Alexander III. Innocentius III. Honorius III.



Gregorius IX. Innocentius IV. Bonifacius VIII. Clemens VI. Paulus II. Julius II. Paulus III. Pius V. Gregorius XIV. Sixtus V. Hi omnes laudantur à Bellarmino.

Quis tam peregrinus est in nostrâ Historiâ , qui nesciat Julium II. anno 1512, dedisse Regnum Navarræ Ferdinando Regi Arragoniæ , & abstulisse Joanni Albretio Atavo Henrici Magni Regis Galliæ ? Ex quo tempore Reges Hispaniæ possident Regnum Navarræ sine alio titulo quàm ex Bullâ Julii II.

Quis verè Catholicus potest legere Bullam Pauli III. contra Henricum VIII. Angliæ Regem , & Bullam Sixti V. contra Henricum IV. Regem Galliæ subsignatam à 25. Cardinalibus, quin exclamet : **DEUS NON DEDIT TALEM POTESTATEM SUCCESSORIBUS SANCTI PETRI ?** In peccatis ligandis aut solvendis est Potestas eorum , non in hæreditatibus dijudicandis, neque in Regibus deponendis.

Nihilominùs hæc sequuntur ex doctrinâ approbatâ à Censoribus Regiis. *Jesus Christ a donné à Saint Pierre toutes les grandeurs & toutes les prerogatives qui ne se sont découvertes que dans la longue succession des Siecles.*

Per mille & amplius annos hæc Potestas Papæ deponendi Reges & Principes non apparuit in Ecclesiâ. Post decem Sæcula Gregorius VII. manifestavit hanc Potestatem universalem quam dedit Christus Successoribus Sancti Petri.

Notandum , quòd Auctor librorum de Disciplinâ Ecclesiasticâ proficitur se argumentari pro auctoritate Summorum Pontificum ex praxi , seu ex factis & usu istius Potestatis per Successionem ultimorum temporum. Parte Primâ.

Hoc Regibus periculosissimum , quandoquidem omnes ferè



7  
ferè Pontifices à Gregorio VII. hanc sibi potestatem in  
temporalibus arrogarunt. Viderint Censores Regii quid ad  
hoc respondere possunt. Stipendia accipiunt à Rege, ut  
nihil contrà Jus suum typis mandetur. Fortè mihi crimini  
dabunt quòd loquar pro supremâ Regis Potestate, cùm il-  
lorum sit, qui sumptus habent annuos à Rege. Sed Chri-  
stianus sum, & ut Christianus profiteor fidem meam, pro-  
fiteor cum Tertulliano\*, & cum omnibus verè Christianis.  
*Ideò magnus est Rex, quia Cælo minor est: illius enim est  
ipse, cujus & cælum est, & omnis creatura.* INDE EST  
REX UNDE ET HOMO ANTEQUAM REX: INDE  
POTESTAS ILLI, UNDE EST SPIRITUS: *Illuc  
suspicientes Christiani manibus expansis, quia innocuis;  
capite nudo, quia non erubescimus: Deniquè sine monito-  
re, quia de pectore. Oramus pro omnibus Regibus; vi-  
tam illis prolixam, Imperium securum, Domum tutam,  
Exercitus fortes, Senatum fidelem* &c. hæc ab alio orare  
non possum, quàm à quo scio me consecuturum; quoniam  
& ipse est qui solus præstat, & ego sum cui impetrare de-  
betur; famulus ejus qui eum solus observo, qui propter  
disciplinam ejus occidit, qui ei offero opimam & mayo-  
rem hostiam quam ipse mandavit.

Secunda Propositio hæc est tom. 2. parte 4. pag. 8. N. 20.  
*C'est le seul Siege Apostolique de Pierre, qui a reçu avec  
le nom d'Apostolique toute la Succession de la Puissance uni-  
verselle des Apôtres, & sur tout de Saint Pierre, qui  
la possédoit avec des avantages tout particuliers.* Judi-  
cent Episcopi an ista Propositio conveniat cum Euangelio?  
Judicet Schola Parisiensis an talis Propositio concordet cum  
Censuris quas novissimè publici juris fecit? Dixerat in Præ-  
fatione Auctor tot librorum de Disciplinâ Ecclesiasticâ:  
*La principale auctorité passa d'abord de Jesus Christ à  
Saint*

\* Apolog. c. 30.



*Saint Pierre & aux Apôtres; des Apôtres aux Evêques: Ensuite des Evêques aux Conciles; des Conciles elle retomba entre les mains des Evêques: & enfin une grande partie de cette auctorité a passé des Evêques aux Papes.*

Hæc auctoritas & Jurisdictionis Episcoporum peregrinatio nullibi legitur apud Cosmographos; & ostendit Auctorem librorum de Disciplinâ Ecclesiasticâ esse peregrinum in Doctrinâ Ecclesiæ.



EMUNDI



E M U N D I  
R I C H E R I I  
DOCTORIS THEOLOGI  
PARISIENSIS  
TESTAMENTUM.

Juxta exemplar editum Parisiis impensis Auctoris ,

M. D C X X X.

31

*Veritas Domini manet in aeternum, & liberabit nos.*  
PSAL. CXII. & JOANNIS VIII.

*Deus dissipabit ossa eorum qui hominibus placent.* PSAL. LII.

*Revela Domino viam tuam, & spera in eo, & ipse faciet:  
& educet quasi lumen justitiam tuam, & iudicium tuum  
tanquam meridiem.* PSAL. XXXVI.

*Pro justitia agonizare pro anima tua, & usque ad mor-  
tem certa pro justitia, & Deus expugnabit pro te ini-  
micos tuos.* ECCLESIASTICI IV.



**I**N nomine Sanctæ, & individuæ Trinitatis, Patris, & Filii, & Spiritus Sancti, amen. Anno Domini millesimo sexcentesimo decimo tertio, die xxi. Novembris. Ego Emundus Richerius natus Cadusiæ, Diœcesis Lingonensis Presbyter, & Doctor Sacræ Facultatis Parisiensis, sociusque Sorbonicus, ac magnus Magister Collegii Cardinalitii, anno tertio, & quinquagesimo ætatis cum uno mense, duobus & viginti diebus: Postquam Deum humillime adoravi, Jesu Christo redemptori animam meam commendavi, atque devovi: B. Virginem matrem Dei cum omnibus Sanctis precatus sum, quatenus suis orationibus mihi in articulo mortis Indulgentiam peccatorum cum perfecta charitate à Domino nostro Jesu Christo impetrare dignarentur: sedens in mea bibliotheca, animo, & corpore sanus, hunc Codicillum Latinum olographum in formam Testamenti condidi, singulisque annis vitæ, qui post primam scriptiōnem mihi superfuerunt, sæpius, diligenterque recognovi: quem ubi viam universæ carnis ingressus fuero, cum alio Codicillo Gallico de meo peculiolo, & facultatibus, pariter à me scripto, & obsignato, exequutioni mandari volo. Primum autem quascumque injurias aut damna cuicumque intuli: quæcumque nomina, aut debita contraxi, ea confestim emendari, & dissolvi cupio. Verum, quoniam die secunda Januarii anni millesimi sexcentissimi octavi, omnium Doctorum Facultatis Theologiæ Parisiensis consensu (me quidem inscio, non cogitante, & à Comitibus absente, sicut Acta Scholæ testantur) eo tempore Syndicus ejusdem Facultatis renunciatus sum, quo totum Franciæ Regnum, & Universitas Parisina, maxime verò post Henrici IV. cædem, in maximas omnium angustias, & difficultates conjecta est: eamque ob causam gerendo Syndicatum, aut mihi in veritatis defensione, & salute communis parentis Academiæ, quæ me semper à pueris aluit, ac erudit, prævaricandum, aut in multorum hominum potentissimorum odium necessario incurrendum fuit: Ego hîc per spem salutis meæ in Christi sanguine declaro, atque protestor, quæcumque velut Censor Academiæ, Syndicus, aut privatus Doctor Facultatis Theologiæ dixi, scripsi, curavi, gessi, administravi, illa me non cujusquam odio, vel invidia fecisse, non vindictæ, vanæ gloriæ, aut redimendæ gratiæ hominum, vel opum cumulandarum desiderio, aut etiam ut novas divisiones, & schismata in Regno, & Ecclesia confererem, vel



jampridem confita foverem, aut pastinarem: Sed in omnibus meis actionibus hoc unum mihi perpetuò, constanterque propositum, quatenus avitos, receptosque mores, patrios ritus, majorum instituta, innumeris quidem virtutum exemplis nobilitata, & comprobata, inculpatæ tutelæ moderatione vindicarem: necnon Parisinæ Universitatis, & Scholæ Sorbonicæ incolumitati, tanquam Reipublicæ Christianæ perutilibus, consulerem. Cæterum, anno MDCXI. post solutionem Capituli generalis Dominicanorum, rogatu, atque impulsu viri amplissimi Nicolai Verduni, primi Prælidis Curia Parlamenti, ego libellum de Ecclesiastica & Politica potestate lueubravi, partim ut antiquæ, & novæ doctrinæ discrimen referarem: *partim ut supremam atque independentem Politicarum Potestatem auctoritatem, contra novam, & seditiosam doctrinam de abdicandis, & occidendis Regibus, quæsito colore tyrannidis, aut neglectæ religionis Catholica, propugnarem.* Quem libellum publici juris feci, quando causa Academiæ Parisiensis contra Jesuitas in amplissimo Ordine perorata est. At verò nunquam posteri in animum inducent suum, quantum damni ex hoc meo proposito, de parente Academia, & veritate justî regiminis Ecclesiæ à Christo instituti tuenda, quantum infamiæ, calumniarum, potentissimorum inimicorum, & periculi, sub prima Ludovici XIII. ætate, in me redundarit; & dehinc etiam redundabit, nisi Deus sua immensa bonitate incredibiles malevolorum minas, conatus, & factiones in meam perniciem excogitatas, atque instructas, profligarit. Hercle illustrissimus Cardinalis Perronius, qui me criminandi princeps extitit, ut totum Regis Consistorium in meam ruinam proclivius incenderet, in sacro Principis Consilio dixit, Scriptorem libelli de Ecclesiastica & Politica potestate, quem optimè noverat, constituisse præsentem Regni, Reginae matris, omniumque liberorum regionum statum, hac scriptione convellere: ac propterea, neque suum, neque typographi nomen illi libello inscripsisse. Quæ statim atque accepi, mihi quidem, & veritatis, & testimonii rectæ conscientia apprimè gnarus, palam, & ingenue meme illius libelli auctorem, ac vehementer ambire professus sum, ut à viris doctis qui non essent in causâ serio examinaretur. Quamobrem aliquot viros primarios Sacri Consistorii etiam atque etiam precatus sum, darent operam, quatenus aut voce in Regis Consistorio Cardinali Perronio respondere, aut aliqua scriptione meam innocentiam cum veritate Propositionum libel-



libello meo contentarum, mihi integrum esset defendere. Sed prohi-  
dolor ! gravissima tempora pupillaris ætatis Regis, & incredibiles  
clamores, prensationes, atque interminationes Domini Ruperti  
Hubaldini Nuncii Apostolici, qui se continuò Lutetia insalutato  
Rege decessurum Romam obtestabatur, & meipsum, atque libel-  
lum meum, telis, & ludibrio hominum indicta causa sic exposue-  
runt, ut mihi non modo omnia humana subsidia, & leges Regni  
deesse, verumetiam cunctas mundi Potestates, quasi in meam con-  
sensisse perniciem, sub ætate pupillari Regis, inquam, expertus  
fuerim. Certe D. Cardinalis Bonzius Italus, mihi nominatim &  
Regis, & D. Brulartii Cancellarii Franciæ imperio, iracunde, mi-  
naciterque prohibuit, ne etiam contumeliosis libellis, quos homi-  
nes conductitii certatim in me scripturiebant, & publicabant, re-  
sponderem: nisi è vestigio, & meam ipsius, & cujuscumque alte-  
rius Apologiam meo nomine factam capitis luere vellem. *Nam, in-*  
*quit, si Rex, & Regina regens tam studiose, & comiter pacem colit*  
*cum vili & exigua Geneva Republica: quid eos cum Summo Pontifice*  
*facere oportet, quando præter spirituale regnum per universum orbem*  
*terrarum diffusum, magno insuper temporali regno potitur in Italia?*  
Qua ex Cardinalis Bonzii oratione, & gestis D. Nuncii Apostolici  
contra me, tum didici quod antea nesciebam, scilicet Majorum do-  
ctrinam de Concilii auctoritate supra Papam libello meo evolutam,  
hodie velut materiam & argumentum status politici temporalis in  
Curiâ Romanâ pertractari; quamquam Cardinalis Bellarminus, &  
Perronius eam esse problematicam venditent. Jam ergo aliquis In-  
ternuncius ad Majores nostros deferat, noxæ, & quidem capitali,  
datum Richerio, quòd in regno Franciæ, atque inter Parisienses  
Theologos, deincipitibus controversiis, atque avitis Ecclesiæ Gal-  
licanæ libertatibus disputasset: quia, ut inquiunt, tantumdem lici-  
tum est de Regis, & Regni Franciæ statu, quantum de Pontificis  
auctoritate supra Concilium ambigere. Quapropter, inita fuerunt  
consilia de Richerio velut monarchomacho, & perduelli compin-  
gendo in Bastiliam Parisiensem: atque inauditis antea fabricis, &  
prensationibus Regium diploma quæsitum, & extortum est, ut con-  
tra morem Scholæ Parisiensis, Syndicatu Theologiæ Facultatis abdi-  
catur: quoniam viâ ordinariâ Comitiorum id nullâ ratione, quam-  
quàm sæpè tentatum, confici potuerat: tametsi ex omnibus Galliæ  
Provinciis, nimirum Picardiâ, Campaniâ, Normaniâ, Aquitaniâ,



Britanniâ Armoricâ, Carnuto, Aureliis, & Nivernio, Doctores Sorbonici seculares, & Regulares, extraordinariis evocati studiis, & quidam illorum mercede propositâ allekti, magnisque locupletati pollicitationibus fuissent. Quid memorem palam circumferri, illos gratissimam Deo victimam facturos, qui sese Richerio mactando devoverint: & si unquam abripi, & Romam deportari possit, reverâ experturum quod pernegat: nimirum Papam materiali gladio instructissimum, ad perduelles similes Richerio capite plectendos. Verum, illi ipsi qui desiderio hominibus gratificandi, & foro serviendi, tam cruenta & horrenda in Richerium commentantur, minime attendunt, se istis formidolosis interminationibus magnam invidiæ molem S. S. Apostolicæ conciliare: quasi mansuetissima, & æquissima Petri Cathedra, quæ antea seculis usque usque afflictis, & Catholicam veritatem propugnantibus perfugio, & præsidio salutari extitit, *jam vel damnet innocentes, vel solveret noxios: cum apud Deum non sententia Sacerdotum, sed reorum vita quaratur*; auctore Hieronymo in caput 16. Matthæi: siquidem *manet Petri privilegium ubicumque ex ipsius aequitate fertur iudicium*, ut ait S. Leo magnus 26. *quest. 1. Can. Manet*. Quid dicere attinet, Richerio gravissimè ægrotanti, imperitos, & ignaros Sacerdotes factione conductos, ei absolutionem sacramentalem, & Eucharistiæ Sacramentum denegasse, atque innumeras alias molestias, calamitates, & pericula, viginti circiter annorum inclinatione intentata & procurata?

Quando igitur veritas justî regiminis Ecclesiæ, à Christo instituti, & ab Apostolis, Patribusque antiquis propagati, & jure postliminii in Constantiensi, & Basileensi Concilio restituti, per latus Richerii petitur; atque hodiernâ die certatur, ut aliquo celebri exemplo pœnæ in Richerium statuto, omnes Theologi Parisienses à doctrinâ majorum propugnandâ absterreantur, & ne quisquam deinceps eam vel explicare, aut contra renitentes mutire audeat: Protector quæcumque in hunc diem convitatores maligni in meam pestem moliti sunt, aut posthac molientur, quanta quanta sint, ea me illis animo Christiano indulgere, sicut mihi peccata mea remitti, atque in adversis, & imminentibus periculis, quæ profecto incredibilia sunt, gratiam patientiæ, constantiæ, & fortitudinis, sic à Deo fieri obsecro, ut Prophetarum, atque Apostolorum imitatione, *per gloriam, & ignobilitatem, per infamiam, & bonam famam, ut Se-*  
ductor,



ductor, & verax, Catholicam veritatem Apostolici regiminis Ecclesie (quod Catholicæ religioni, disciplinæ Ecclesiasticæ, & moribus Christianorum melius constituendis, & emendandis pernecessarium est) intrepidè tueri queam, unitate, & charitate cum omnibus servatâ, neglectisque inimicorum opprobriis, & contumeliis. Hercle quidem, cum Professores Theologiæ Deum quam homines magis timere, & vitam hanc corruptibilem, bona caduca, & finitram famam seculi, præ gloriâ Dei, & immortalitate omninò habere despectui teneantur: deinde ex certâ rerum, & causarum cognitione, non ex vulgi rumusculis, vel anticipatis obnoxiorum hominum præjudiciis, aut etiam ad ambitiosorum, & potentiorum gratiam vel imperium, de Theologiæ controversiis suam dicere sententiam: insuper accuratè debeant cognoscere, quidnam sit hæresis, quid schisma, & perduellionatus contra Ecclesiam: ac in tam horrenda crimina neminem incurrere, nisi manifestò, & pervicaciter in principia, & manifestas Conclusiones fidei Catholicæ impegerit: Equidem gloria nostra hæc est, testimonium conscientie nostræ, quod in simplicitate cordis, & sinceritate Dei, & non in sapientiâ carnali conversati sumus, 2. Corinthior. 1. Quocirca sicut vir desideriorum Nabuchodonosori respondit, *Deus quem colimus potest nos de camino ignis ardentis tantarum tribulationum eripere*, atque ab hominum zelotarum calumniis redimere, & liberare, Danielis 3. Verumtamen si hoc ei minus placitum sit, non propterea Euangelium erubescere, id est, Catholicam veritatem justî regiminis Ecclesiæ velut hæreticam, schismaticam, & perduellem abnegare debemus. *Quod si utilius est scandalum nasci, quàm veritatem Catholicam relinquere*, Cap. Qui scandalizaverit, de Regulis juris in Decretalibus: triplexque est veritas, ut Glossa ibidem observat: nimirum *bonæ vitæ, & justitiæ*, quas nunquam omittere licet: deinde *discipline*, quam pariter violare non debemus, si modò in jure communi indispensable, hoc est, in Lege divinâ, & naturali versetur: Proculdubio, cum ipsa Acta Apostolorum, & octo prima Concilia Generalia non gentorum circiter annorum decursu habita, nos clarissimè doceant, Apostolos, Patres antiquos, & Doctores Ecclesiæ, totidem annorum lapsu sacras electiones, jus commune, & regimen Aristocraticum accuratè servasse: deinde gesta Constantiensis, & Basileensis Synodi testentur, Ecclesiam Catholicam hoc genus regiminis in integrum restituere voluisse, quantum illa tempora ferre poterant:

atque



atque Gallicanam Ecclesiam illud regimen Sanctione Pragmaticâ in rem judicatam per universum Galliae regnum misisse: Sanè istinc li- quidò, & evidenter probatum manet (quicquid sophistæ adversùs illa duo Sanctissima Concilia, & Pragmaticam Sanctionem blate- rent, & cavillentur) his postremis seculis corruptissimis Curiam Romanam efficere nullo modo posse, vel ut Romanus Pontifex San- ctorum communionem, & Ecclesiae unitatem monarchicè, aut ab- soluto dominatu per vim externam, more Potestatum seculi, co- gat: aut etiam ut hæc absoluta infallibilis monarchia juris sit divi- ni: quando Apostoli, & Ecclesia Catholica quadringentorum & mille annorum fluxu, hoc genus absoluti regiminis, tanquam di- vinitus institutum, nunquam agnoverunt, nedum approbarunt. Nam Patres Ecclesiae primitivæ, cuncta negotia ad libram cano- num, & suavissimæ moderationis Aristocraticæ, semper definiri, & majores nostri hoc genus gubernationis in Constantiensi, & Ba- sileensi Concilio instaurari, & recuperari voluerunt, ut jam dixi.

Sanè quidem hac infelicissimâ ætate, quâ longè, latèque *verita- tes diminutæ sunt à filiis hominum*. PSAL. XI. *Et homines quæ sua sunt querunt non quæ Christi*, unde hæreditatis Christi calamitas: nul- lum verbum adversùs istam absolutam infallibilem monarchiam post primam scriptionem libelli de Ecclesiasticâ & Politicâ potestate fe- cissim, si modò Adversarii nostri ab horribilibus in me convitiis, calumniis, & violentissimis impressionibus, quibus viginti circiter annis mème virulenter infestarunt, sibi temperassent, suaque abso- luta imperia, pace, & charitate servatâ tuerentur. Quandoquidem per illos nequaquam stat, quominus permulti viri boni, piissimi, & maximè Catholici, ab Ecclesiae sinu fugentur, atque inviti ad nova schismata instruenda compellantur, sicque Ecclesia ad paucio- res redigatur: Profectò, & sapientissimum, & piissimum Gersonii consilium semper judicavi, libro de Vitâ spiritali animæ, Lectione quartâ, Corollario decimo: *Poterit fieri ut absque peccato mortali*, inquit, *imò cum merito magno, sit aliquis Theologus, vel alius prudens, qui dissentiat corde ab humanis determinationibus, aut traditionibus: qui tamen obligabitur propter evitacionem scandali, vel aliter, non re- pugnare exterius*. Nam potest aliquarum publicatio veritatum prohiberi, & aliquarum falsitatum dogmatizatio permitti. Cæterum, sicut fre- quenter accidit Mathematicos ab imperitis scientiarum Mathemati- carum sortilegos & incantatores haberi: similiter, ut plurimum usu evenit,



evenit, Theologiæ, aut Juris Canonici Doctores, suspicione hæ-  
 releos apud imperitam plebem laborare, eodem Gersonio auctore,  
*Tractatu de veritatibus credendis ad necessitatem salutis*. Certè qui in  
 Sacrarum Scripturarum, & Patrum lectione valdè exercitati sunt,  
 atque Conciliorum, & Ecclesiasticam historiam callent; hancque  
 scientiam ad causas essentielles Ecclesiasticæ, & Politicæ potestatis,  
 ut necesse est, retulerunt: omnes quidem inclinationes, & muta-  
 tiones, incrementa, & decrementa religionis Christianæ, regimi-  
 nis Ecclesiæ, & disciplinæ Ecclesiasticæ, perspectas, & exploratas  
 habent: quas homines imperitos, aut solâ Scholasticæ Theologiæ  
 cognitione saturos, prorsus ignorare oportet. Quocirca idem Do-  
 ctor Christianissimus opusculo de materiâ Excommunicationum; &  
 Irregularitatum prudenter decernit, *Pueros qui astimant Papam esse*  
*unum Deum qui omnem habet in cælo, & in terrâ potestatem, in-*  
*struendos per idoneas informationes, & si nolint acquiescere, esse in causâ*  
*scandali Pharisaici, accepti non dati*. Deinde libr. de Examine doctri-  
 narum, Parte primâ, Consideratione secundâ, contendit adversum hu-  
 manas constitutiones nunquam esse palam dogmatizandum, nisi fortè ali-  
 quis error contra fidem, & scandalum intolerabile ex nostro silentio emer-  
 geret: hocque in casu assertionem Catholicæ veritatis pro supremâ  
 lege habendam: & tum multo magis præstare scandalum nasci,  
 quàm veritatem Catholicam deseriri. *Quod si fieret persecutio senten-*  
*tiarum, atque poenarum contra repugnantes ejusmodi constitutionibus*  
*humanis, beatos esse, qui persecutionem patiuntur propter justitiam,*  
*ac superesse remedium Concilii generalis*. Quam salutarem doctrinam  
 meis adversariis in charitate examinandam relinquo.

O Domine Jesu Christe! ex hoc falso, & planè imaginario prin-  
 cipio, *Papa est absolutus infallibilis Monarcha Ecclesiæ, & Dominus*  
*omnium beneficiorum*: ecquid hoc corruptissimo seculo ambitiosi, &  
 mundani homines in manifestissimam legis Evangelicæ ruinam, to-  
 tiusque Ordinis Politici subversionem non certatim architectantur,  
 & demoliuntur? Jus divinum, schisma, hæresim, & perduelliona-  
 tum astingentes, ubi ubi merum est jus humanum, nullum schisma,  
 nulla hæresis, aut perduellionatus: imoverò nec ulla peccati morta-  
 lis suspicio hæreere potest: modò fœdas ignorantia tenebras, & su-  
 perstitutiones rudibus concretas seculis, pace, charitate, atque uni-  
 tate Ecclesiæ servatâ, depellere, & illuminare, id est, illos ipsos me-  
 lius erudire, & informare nitamur, *Qui Papam hand aliter quàm*  
*Christi*



*Christum ipsum absolutâ infallibili auctoritate præditum, ac in ratione regiminis totam Ecclesiam constituere ariolantur. Quam bellè, & appositè olim nescio quis dicebat, laudemus veteres, sed nostris prudenter utamur annis: hoc est, de jure communi, aristocratico Ecclesiæ regimine, Apostolicâ disciplinâ, & finibus Sacerdotalis, atque Regiæ potestatis comiter regendis, sic differamus, ut nihilominus pacem, charitatem, & unionem cum omnibus retineamus: & vitia, atque corruptelas non homines oderimus; illorum more, qui ex profundo herebi diabolica nomina dissensionum, sectarum, & Richeristarum exsuscitarunt, atque in Ecclesiam effuderunt. Quandoquidem, omnes Catholici pretiosissimo Christi sanguine redempti sumus. Et utinam omnibus zelotis mansuetudo Christi, & Evangelii pacis, cum hac præclarâ Augustini sententiâ libr. primo cap. i. contra epistolam Parmeniani veniret in mentem, eamque vellent, & possent, sicut necesse est Christianis, strictè accuratèque servare: profectò longè aliter Christiana religio se haberet, neque Ecclesia sponsa Christi tot schismatibus, & tantâ strage Christianorum deformata horreret. Quisquis vel quod potest arguendo corrigit, ait Augustinus, vel quod corrigere non potest salvo pacis vinculo excludit: vel quod salvo pacis vinculo excludere non potest, equitate improbat, firmitate supportat, hic est pacificus, & ab isto maledicto immunis, quod Scriptura dicit, ut his qui dicunt quod nequam est bonum, & quod bonum est nequam, qui ponunt lucem tenebras, & tenebras lucem, ESAIÆ 5. Quam mirabilem & divinam epistolam Augustini, Pastores Ecclesiæ, & Theologi nunquam de manibus ponere debent.*

*Cùm igitur assiduâ contentione vigiliarum, mihi cum à posteriori, tum à priori, scientiam naturæ Primatus Sedis Apostolicæ, potestatis clavium, & gubernationis Ecclesiæ à Christo institutæ comparaverim: idque me satis sufficienterque assequutum existimem, ut morali, & naturali certitudine sim in conscientiâ securissimus: Hercle quidem mihi apprime conscius quanti sit pretii Juris communis, & Aristocratici regiminis Ecclesiæ; hoc est, libertatis Evangelicæ abrogatio, quam nobis proprio sanguine acquisivit Dominus, ut Patres Ephesini Concilii loquuntur: & quàm crasso ac supino errore illi cæcutiant, qui ut ait Parisiensis Cancellarius Sermone in Circumcisione Domini, Consideratione primâ, imaginantur Ecclesiam melius posse regi per humanas inventiones, quàm per legem purè Euan-*



*Euangelicam*: nihil certè vel obnoxiorum, vel imperitorum, aut malevolorum hominum calumnias, & portenta verborum certatim adversus Richerium, ejusque libellum effusa, pertimesco: ne quidem hoc tessellatum emblemata, *hereticus*, *schismaticus*, *perduellis*, *monarchomachus*, *impostor*, &c. quia certissimus sum, neminem Censuris in libellum aliquem effusis, aut ejusmodi convitiis percelli debere, eo quòd problematicas, & ancipites quæstiones, pace, charitate, & unitate servatâ, absque cujusquam injuriâ asseruerit, & propugnarit: atque Theologos non ad antiqua seculi Apostolici placita, & instituta, sed ad deformes novitatum istius ævi pruritus debere trepidare. Quod si Dominus noster caput Ecclesiæ *Seductor* vocatur à Judæis Matthæi 27. eumque adhuc hodie Judæi, & Athei pro Sycophantâ, & Impostore despiciunt: quid ejus membra in charitate, & unitate Ecclesiæ veritatem more Prophetarum propugnantes non pati, & perferre necesse est? Hebræorum 11. *Non enim est discipulus supra Magistrum sed sufficit ei ut sit sicut Magister*, MATTHÆI 10.

Verùm hîc aliquos subaudire videor, objicientes ejusmodi Controversias, istis temporibus non modo pietati, bonisque moribus constituendis esse inutiles, verumetiam permagno esse scandalo, & causæ hæreticorum velificari. Contra rependo, hæc ipsa ignaris, & simplicibus illudendis, atque etiam corruptelis, & abusibus fovendis, ac incrustandis callidè excogitari, & adversus solem Scripturarum obtendi. Numquid *propterea captivus ductus est populus meus quia non habuit scientiam: & nobiles ejus interierunt fame, & multitudo ejus siti exaruit: Propterea dilatavit infernus animam suam, & aperuit os suum absque ullo termino?* ESAIÆ 5. Quod si verum amamus ut Christianos oportet, quid Ecclesiæ universæ magis utile, & necessarium, quàm diligenter cavere, ne jus humanum pro divino, & schisma, hæresis, ac perduellionatus contra Ecclesiam asserantur, ubi nulla prorsus mortalis peccati labes hæere potest? Tunc pietati, bonisque moribus in integrum restituendis, & casibus conscientiæ bene moderandis inutile putas, rectam tenere rationem finium utriusque Potestatis Herciscundorum, ut inter Regnum & Sacerdotium æterna pax stabiliatur, & caveatur ne deinceps prætextu Religionis, & Censurarum, Reges furori Assassinarum, quasi piaculares hostiæ, mactandi exponantur, atque orbis Christianus bellis civilibus, & internecione Christianorum deformetur?



metur? Scire quænam sit justa vis, & potestas clavium, & quousque se extendant? Quid jure divino primario, *sive de condigno* Romanus Pontifex, & Episcopi; quidnam humano *aut de congruo* ex Ecclesiæ constitutione, ac Principum Christianorum largitione, & indulgentiâ possideant? Quid Episcopi à Presbyteris differant, & quæ antiquitus forma, & consuetudo illorum eligendorum, & ordinandorum extiterit? Quæ olim Canonum sciscendorum, & Controversiarum Ecclesiæ definiendarum fuerit ratio: ac totum robur, & confirmationem Conciliorum à Catholico Ecclesiarum consensu manare, quæ in Synodum confluunt, ut inter sese Sanctorum communionem ineant, & pacifcantur? Similiter, quinam jus præsendi in Synodis obtineant: & quo titulo Imperatores Octo prima Concilia generalia, & Reges Franciæ Synodos regni sui quondam indixerint, & convocarint? Quam auctoritatem Reges, Principes, & Magistratus Politici, velut juris Divini, Naturalis, & Canonici vindices, atque exequutores, obtineant in externâ Ecclesiæ disciplinâ constituendâ, quæstionibus facti definiendis, & subditis suis, contra injustas, & iracundas Prælatorum Censuras, protegendis? Undenam Curia Romana tantam potestatem quâ hodie utitur fruitur collegerit: quando & quo fine Collegium Cardinalium instituerit? Quæ prima Monachorum origo, & natura votorum eorundem: quænam Missiones, & instituta Ordinum Mendicantium, atque aliorum Regularium, qui dormitantibus Ordinariis, in eorum jura invaserunt? Tenere quisnam ab ævo Apostolorum ad hæc nostra tempora per seculorum vices usus sacramentalis Confessionis extiterit: & *Capite, Omnis utriusque sexus*, proprium dici Sacerdotem, cui in sua ordinatione, & institutione, populus *de propinquo* regendus traditur, quatenus illum omnibus horis, & calibus necessariis, tempestivè, atque intempestivè, *de propinquo*, inquam, adjuvet, consoletur, pascat, purget, illuminet, perficiat. Quæ auxilia spiritualia; *Vagi, & Subsidiarii, ne dum Communes Sacerdotes, quicumque sint*, præstare nullomodo possunt: & idcirco solus Paræcus aut Curio, proprius, & familiaris, est Sacerdos, quicquid homines litigiosi cavillentur, vim ipsi naturæ inferre conantes, ut oves non suas ab ordinariis Pastoribus avocent. Item habere compertum, quodnam fuerit Parisiensis Academiæ propositum, & studium, in jure communi, & Aristocratico regimine Conciliorum, Hierarchiâ propugnandâ, nascentibus corruptelis, & abusibus impugnan-



pugnandis, aliaque innumera, quæ proculdubio humanis adinventionibus & institutis à jure divino secernendis, consequenterque ad veram, & solidam pietatem constituendam, & vitia expurganda pernecessaria sunt.

De scandalis autem, omnes securos esse jubeo, quoniam plus satis Sacrorum Bibliorum lectione edocemur, nunquam à Prophetis, Christo, Apostolis, aut aliis, veritatem assertam, & propagatam, etiam in Conciliis Ecclesiæ, absque gravi scandalo: sed tandem suo præjudicio, ac prærogativâ, portas, & vectes inferni confregisse: ut insuper omittam, activum, non passivum scandalum, esse in culpâ & reatu.

Quod verò has Disputationes hæreticorum querelas juvare clamitant, perinde est certè, ac si quispiam causaretur, Patres Tridentini Concilii nequaquam moribus Ecclesiæ reformandis operam, & studium navare debuisse, ne causæ hæreticorum servire putarentur: aut etiam olim Prophetis supersedendum fuisse ab erroribus Hierosolymitanæ Ecclesiæ carpendis, ne forsân Samaritanis, & Saducæis, quos Judæi pro hæreticis habebant, gratificari viderentur: aut præterea, ne vel famæ, vel vitæ propriæ gravius consulerent. At profecto nostrum est qui Catholici sumus, atque unitatem & pacem Ecclesiæ sartam tectam volumus, nostrum est, inquam, non hæreticorum, & perduellium (quibus cum optimâ parente sponsâ Christi quam impiè violarunt, & discerpserunt, nihil quicquam juris, aut commercii esse potest) de disciplinâ meliùs constituendâ, & emendandis moribus disputare, ac Prophetarum, beati Hieronymi, Bernardi, Gersonii, & aliorum pietate, & vitæ sanctimoniâ illustrium æmulatione, cum nostrorum fratrum corruptelis, tum hæreticorum erroribus strenuè obistere, neque ullis hominum clamoribus, convitiis, minitationibus, periculis, aut etiam præmiorum illecebris, à tam sanctissimo proposito absterreri. *Nudè nuda loquor, nec retego verenda, sed inverecunda confuto. Utinam privatim, & in cameris hec tantum fierent: utinam soli viderimus, & audierimus: utinam nec loquentibus crederetur: utinam nobis reliquerint moderni Noë unde à nobis possent aliquatenus operiri: Nunc verò cernente orbe mundi fabulam soli tacebimus? Caput meum undique conquassatum est, & ego sanguine circumquaque ebulliente putaverim esse tegendum? Quicquid apposuero cruentabitur, & major erit confusio voluisse celare, cum celari nequiverit, ait Sanctus Bernardus, quadragesimâ secundâ epi-*



stolâ ad Henricum Senonensem Archiepiscopum: eo quidem seculo, quo abusus tolerabiles, & emendabiles erant, & sacræ electiones fervebant. His autem perditissimis moribus, quibus hypocrisis, & Atheismus altissimas egerunt radices, totaque ferme religio, & pietas, à virtute, & simplicitate cordis, in speciem, & choragium externum traducta est, silebimus? Proculdubio bacchantibus Lutheranis, si Catholici Doctores in morum carcinomata, sicut & in errores Lutheri, calamus acuisent: vel hodie Ecclesiam emendatam, vel non ita schismatibus laceram, & ad paucos redactam haberemus: neque ambitiosi, & portenta hominum, silentium nostrorum, in abusum, & corruptelarum patrociniū sic abduxissent, ut quotquot hodie de Ecclesiâ melius emendandâ sermones conferere audent, pro hæreticis, & pabulo Inquisitionis, si Deo placet, habeantur. Sed tum demum, anno septuagesimo ætatis post diuturnum morbum nephritidis, Codicillum hunc olographum conclusi, & obsignavi, die xxiv. Decembris in pervigilio Nativitatis Dominicæ post meridiem, anno M. DC. xxix.

*Signatum,*

E. RICHER.

CONSOLATIO, ET SPES HOMINIS CHRISTIANI, UT EI OMNIS METUS MORTIS ADIMATUR.

*Matth. 11.* **V**ENITE ad me omnes qui laboratis & onerati estis, & ego reficiam vos: Et invenietis requiem animabus vestris: Jugum enim meum suave est, & onus meum leve. ] Ego sum via, & veritas, & vita. ] *ait Dominus.* Videte qualem charitatem dedit nobis Pater misericordiarum, ut filii Dei nominemur & simus. ] Si autem filii & hæredes; hæredes quidem Dei, cohæredes autem Christi: si tamen compatimur, ut & conglorificemur. Quid ergo dicemus ad hæc, si Deus pro nobis, quis contra nos? Qui etiam proprio filio non pepercit, sed pro nobis omnibus tradidit illum, quo modo non etiam cum illo omnia nobis donavit? ] Qui peccatum non novit, ipse peccatum factus est, ut nos efficeremur justitia Dei in

*Ioan. 14.*

*1 Ioan. 5.  
Rom. 8.*

*2 Corint. 5.*



in ipso.] Nihil ergo nunc damnationis est iis qui sunt in Christo *Rom. 8.*  
 Jesu, qui non secundum carnem ambulant: Lex enim Spiritus vitæ  
 in Christo Jesu, liberavit nos à lege peccati, & mortis.] Ut fiat *1 Cor. 15.*  
 sermo qui scriptus est, Ero mors tua ò mors, morsus tuus ero In-  
 ferne.] Absorpta est mors in victoria: ubi est mors victoria tua: *Osea. 13.*  
 ubi est mors stimulus tuus? Deo autem gratias, qui dedit nobis vi- *1 Cor. 15.*  
 ctorem per Dominum nostrum Jesum Christum.] Adeamus ergo *Hebra. 4.*  
 cum fiducia ad thronum gratiæ ejus, ut misericordiam consequamur,  
 & gratiam inveniamus, in auxilio opportuno: eumque ita  
 obsecremus.

*Oratio ad vitam Christianè instituendam,  
 & finiendam.*

**D**OMINE DEUS misericordiarum, & totius consolationis: [qui *2 Cor. 1.*  
 sicut Pater filiorum, ita misereris timentibus te: qui cognoscis si- *Psal. 102.*  
 gmentum nostrum, quoniam pulvis sumus, diesque nostri sicut fœnum  
 pertranseunt, & tanquam flos agri sic efflorescunt: quod ex nihilo pro-  
 creati, sic à natura prorsus sumus in malum, [ut absque tuo singulari *Genes. 8.*  
 auxilio, nihil æterni velle, nedum perficere possimus. Cui nostræ infir- *Philip. 2.*  
 mitati, & miseriæ ut succurreres, quando tibi placuit [Dominum *1 Ioan. 4.*  
 nostrum Jesum Christum filium tuum unicum, dare propitiationem pro  
 peccatis nostris: atque horribiles mortis æternæ tenebras, & dolores;  
 in lucem, gaudium, & gloriam vitæ immutabilis transmutare,  
 [et cum eodem filio tuo charissimo nobis omnia superabunde donare. Te *Rom. 8.*  
 obsecro Domine, per eundem Redemptorem nostrum. [Vanitatem *Pro verb.*  
 & verba mendacii longè fac à me: Paupertatem & divitias ne dederis *30.*  
 mihi: sed tribue tantum victui meo necessaria: [ne derelinquas me in *Ecclesiastici*  
 cogitatu maligno: extollentiam oculorum ne dederis mihi: & desiderium *23.*  
 pravum averte a me: aufer à me concupiscentiam: & anima irreverenti  
 ac infrunita ne tradas me: da in communibus vitæ humanæ officiis  
 exercendis, ne quid peccem contra Legem tuam: & quia tum tem-  
 poris bonum est mori, cum adhuc jucundum est vivere; effice ut  
 diem supremum obeam, antequam jucundo vitæ sensu perempto,  
 vita in molestiam & pœnam degeneret. [à delictis meis munda me, *Psal. 18.*  
 & ab alienis parce servo tuo: mihi que, potissimum in mortis articu-  
 lo, gratiam perfectæ pœnitentiæ, charitatis, & perseverantiæ, cum  
 sana mente, & integro usu rationis largire; quò immensos miseri-  
 cordiæ



- Ephes. 3.* cordiæ tuæ thesauros, [quantaque sit latitudo, longitudo, sublimitas, & profundum supereminens in nos charitatis Domini nostri Jesu Christi, cum omnibus Sanctis possim comprehendere: & impleri in omni plenitudine Dei, illo cœlesti viatico, [ & supersubstantiali pane Angelorum: Ita ut, ubi mens mea meritum passionis Domini solidè reco-  
*Matth. 6.* luerit; hicque pretium, pignus, & præmium vitæ æternæ in ænigmate perceperit; tandem teipso, [qui es via, veritas, & vita [facie  
*Psal. 77.* ad faciem jugiter perfrui, [ & gloria, quam preparasti diligentibus te, satiari valeam. Da mihi insuper Domine, has breves oratiunculas  
*Ioan. 14.* ita cordi infixas habere, ut crebris gemitibus atque suspiriis, voce,  
*1 Cor. 13.* & mente, eas assiduo frequentare, & cum extremo spiritu sic pre-  
*1 Cor. 2.* cari queam: [Miserere mei Deus, secundum magnam misericordiam  
*Psal. 16.* tuam: Ecce enim in iniquitatibus conceptus sum, & in peccatis conce-  
*Psal. 50.* pit me mater mea. Nec alius a te est Domine, qui mundum de im-  
*Iob. 14.* mundo conceptum semine facere possit. [Averte faciem tuam à peccatis  
*Psal. 50.* meis, & omnes iniquitates meas dele. Cor mundum crea in me Deus,  
*Psal. 120.* & spiritum rectum innova in visceribus meis. [Ne projicias me à facie  
*Psal. 142.* tua, & Spiritum Sanctum tuum ne auferas a me. [Si iniquitates ob-  
*Psal. 12.* servaveris Domine, Domine quis sustinebit? [Et non intres in iudicium  
*Psal. 6.* cum servo tuo, quia non justificabitur in conspectu tuo omnis vivens.  
*1 Cor. 15.* [Illumina Domine oculos meos, ne unquam obdormiam in morte, ne  
*Psal. 30.* quando dicat inimicus prevalui adversus eum. [Quoniam absque tuo  
*2 Cor. 5.* singulari auxilio non est in morte qui memor sit tui, ut nomen tuum  
*Psal. 30.* sanctificare possit: in inferno autem quis confitebitur tibi: & gloriosum  
*2 Cor. 5.* triumphum prædicabit, quem de peccato, morte, & inferno devictis  
*Psal. 30.* reportasti? [In te Domine speravi, non confundar in aeternum, in iusti-  
*Matth. 6.* tia unigeniti Filii tui Domini nostri Jesu Christi libera me: [qui pec-  
*Psal. 30.* catum non novit, tamen peccatum fieri voluit, ut efficeremur iustitia  
*Matth. 6.* Dei in ipso. [Quoniam fortitudo mea & refugium meum es tu, & pro-  
*Psal. 30.* pter nomen tuum deduces me, & enutries me. In manus tuas Domine  
*Matth. 6.* commendo spiritum meum, redemisti me Domine Deus veritatis. Do-  
*Psal. 30.* mine Jesu Christe Fili Dei vivi, pone passionem, crucem, & mor-  
*Matth. 6.* tem tuam, inter iudicium tuum, & animam meam, nunc & in hora  
*Psal. 30.* mortis meæ: Sanctificetur nomen tuum, adveniat regnum tuum, fiat  
*Matth. 6.* voluntas tua, sicut in cœlo & in terra, panem nostrum quotidianum da  
*Psal. 30.* nobis hodie: Et dimitte nobis debita nostra, sicut & nos dimittimus  
*Matth. 6.* debitoribus nostris: & ne nos inducas in tentationem, sed libera nos à  
*Psal. 30.* malo. Amen.

Medita-



*Meditatio in vitam eternam.*

**Q**uemadmodum desiderat cervus ad fontes aquarum, ita desiderat anima mea ad te Deus, &c. *Psal. 41.*

Quam dilecta tabernacula tua Domine virtutum, concupiscit, & *Psal. 83.* deficit anima mea in atria Domini. Cor meum, & caro mea exultaverunt in Deum vivum. Beati qui habitant in domo tua Domine, in secula seculorum laudabunt te. Quia melior est dies una in atriis tuis super millia. Elegi abjectus esse in domo Dei mei, magis quam habitare in tabernaculis peccatorum. Quia misericordiam & veritatem diligit Deus, gratiam & gloriam dabit Dominus.

Lætatus sum in his quæ dicta sunt mihi, in domum Domini ibimus, &c. *Psal. 121.*

Urbs Hierusalem beata, dicta pacis visio, &c.

*Oratio contra tribulationes.*

**D**OMINE JESU CHRISTE, *Via, veritas, & vita:* [ *quem Ioan. 14.* nosse consummata est iustitia; & *cujus iustitiam & virtutem scire, Sapient. 15.* radix est immortalitatis: quando tua singulari misericordia, aliquam *Ioan. 17.* tuæ veritatis & iustitiæ particulam imbibimus, [ *utque speramus libe-* *Ioan. 8.* *rabit nos:* obsecro [ *ne patiaris nos tentari supra id quod possumus, sed* *1 Cor. 10.* *fac gloriæ tuæ, & salutis nostræ proventum, ex tentatione.* [ *Esto re-* *Psal. 45.* *fugium nostrum & virtus, adjutor in tribulationibus, quæ invenerunt nos nimis: Propterea, non timebimus dum turbabitur terra, & transferentur montes in cor maris.* [ *Unam petii à Domino, hanc requiram,* *Psal. 26.* *ut inhabitem in domo Domini omnibus diebus vita mea.* [ *Quia melior* *Psal. 83.* *est dies una in atriis tuis super millia. Elegi abjectus esse in domo Dei mei, magis quam habitare in tabernaculis peccatorum.* [ *Miserere mei* *Psal. 50.* *Deus, secundum magnam misericordiam tuam: Ecce enim in iniquitatibus conceptus sum, & in peccatis concepit me mater mea.* [ *Nec alius à* *Iob. 14.* *te est Domine, qui mundum de immundo conceptum semine facere possit. Averte faciem tuam à peccatis meis, & omnes iniquitates meas dele.* *Psal. 50.* *Cor mundum crea in me Deus, & spiritum rectum innova in visceribus meis. Ne projicias me à facie tua, & Spiritum Sanctum tuum ne auferas à me.* [ *Si iniquitates observaveris Domine, Domine quis susti-* *Psal. 129.* *nebit?* [ *Et non intres in iudicium cum servo tuo, quia non justificabi-* *Psal. 142.* *tur in conspectu tuo omnis vivens. Quia persecutus est inimicus animam*  
d meam,



- meam, humiliavit in terra vitam meam. Collocavit me in obscuris sicut mortuos seculi, & anxius est super me spiritus meus, in me turbatum est cor meum. Eripe me de inimicis meis Domine ad te confugi, doce me facere voluntatem tuam, quia Deus meus es tu. [ Domine libera animam meam à labiis iniquis, & à lingua dolosa. [ Aufer à me opprobrium, & contemptum, quia testimonia tua exquisivi. [ Redime me à calumniis hominum, ut custodiam mandata tua. [ Ne projicias me in tempore senectutis, cum defecerit virtus mea ne derelinquas me. [ Libera me de sanguinibus Deus Deus salutis mea, & exultabit lingua mea justitiam tuam. [ Educes de tribulatione animam meam, & in misericordia tua disperdes omnes inimicos meos. Et perdes omnes qui tribulant animam meam, quoniam ego servus tuus sum. [ In te Domine speravi, non confundar in aeternum, in justitia unigeniti Filii tui Domini nostri Jesu Christi libera me : [ qui peccatum non novit, tamen peccatum fieri voluit, ut efficeremur justitia Dei in ipso. [ Quoniam fortitudo mea & refugium meum es tu, & propter nomen tuum deduces me, & enutries me. Educes me de laqueo hoc quem absconderunt mihi, quoniam tu es protector meus. In manus tuas Domine commendo spiritum meum, redemisti me Domine Deus veritatis. [ Sanctificetur nomen tuum, adveniat regnum tuum, fiat voluntas tua, sicut in caelo & in terra: panem nostrum quotidianum da nobis hodie : & dimitte nobis debita nostra, sicut & nos dimittimus debitoribus nostris : & ne nos inducas in tentationem, sed libera nos à malo. Amen.*
- Psal. 119.  
Psal. 118.  
Psal. 70.  
Psal. 50.  
Psal. 142.  
Psal. 30.  
2 Cor. 5.  
Psal. 30.  
Matth. 6.

Après



**A** Prés avoir satisfait en Latin par le Testament cy-dessus à ce que M<sup>r</sup>. Grandin avança dans l'Assemblée de la Faculté le 17<sup>e</sup>. jour du present mois de Mars touchant le rémords & la peine imaginaire que feu M<sup>r</sup>. Richer eut à la mort de la Doctrine qu'il avoit professée & soutenüe toute sa vie avec une capacité & une generosité incroyables touchant l'auctorité du Pape, il ne fera pas inutile de faire aussi connoître en François au dit Sieur Grandin, combien il s'écarta de la verité dans ce qu'il imputa ce jour là sans aucun fondement à ce grand homme.

Voicy une lettre toute nouvelle qui l'en éclaircira.

A Paris ce 23. Mars 1683.

**M**ONSIEUR,

C'est pour satisfaire au desir que vous avez desçavoir ce qui s'est passé dans la maladie & dans la mort de ce grand homme Mr. Richer Docteur en Theologie de la Maison & Societé de Sorbonne, Grand Maître du College du Cardinal le Moine. Vous ne pouvez pas vous adresser à personne qui vous en puisse rendre un meilleur compte, puisqu'il a rendu son ame à Dieu entre mes bras. Quoiqu'il soit decédé fort âgé, il estoit d'une constitution à vivre encore davantage, s'il n'eust point esté contraint de se faire tailler pour éviter de continuëles douleurs dont il estoit tourmenté, & qu'il souffroit avec une patience admirable. Deux ans après cette operation il tomba malade d'une fièvre continuë qui luy laissa toujours par une providence particuliere de Dieu la liberté de l'esprit pendant le cours de sa maladie & jusqu'au dernier soupir. Comme il se sentit proche de sa fin, il demanda luy mesme les Sacremens; il receut le Saint Viatique avec une pieté exemplaire en présence de tous les Boursiers du College qui en furent parfaitement edifiez, & nommement M<sup>r</sup>. Ternois qui fut celuy qui le luy administra, & dont il écouta l'exhortation fort attentivement & avec une profonde humilité. Il se faisoit lire continuëlement des prieres qu'il avoit composées, tirées des plus beaux endroits de la Sainte Ecriture. Il m'avoit choisi pour luy rendre cet office, & m'avoit averti de continuër toujours à lire distin-

d 2

ctement



ctement & fort haut, quoiqu'il me pût paroître qu'il n'entendist pas, parce que, me dit il, Je ne laisseray pas de bien entendre. Et en effect j'estois dans cette occupation, quand il me demanda à se tourner sur le costé, & dés aussitost que je luy eus mis, il expira & si doucement, qu'il fallut avoir recours au miroir pour sçavoir précisément s'il estoit passé. L'on peut dire de luy comme il est écrit de Moysé, qu'il est mort *In osculo Domini*. On a remarqué que la plus part des grands hommes sont morts dans cette posture. Jamais vie n'a esté plus traversée que la sienne, pour avoir écrit & soutenu constamment la verité. On a voulu ternir sa reputation en disant qu'il s'estoit retracté de ses opinions. Il est vray que du temps du Cardinal de Richelieu il fut obligé, tant la persecution estoit violente, d'expliquer sa pensée sur quelques Propositions dont ses ennemis ont voulu triompher, prenant l'écrit qu'il donna en ce temps là pour une retraction. Bien loin d'avoir cette pensée il a continué d'écrire & à nous donner sa doctrine comme elle est contenuë dans les Livres que nous avons de luy, & particulièrement dans les trois Volumes de l'Histoire des Conciles Généraux. Il est mort dans ces sentimens, & je m'estonne comme il se trouve des gens qui osent publier qu'à la mort il a temoigné quelque peine ou quelque regret d'avoir persisté dans les maximes qu'il a enseignées toute sa vie & de vive voix & par écrit. On les peut traiter hardiment ou d'imposteurs, ou au moins de gens tres-mal informez. Je ne l'ay point quitté un seul moment pendant le cours de sa maladie, & l'ay assisté jusqu'à la mort. Il y a encore des gens d'honneur & de probité connuë qui sont pleins de vie & qui remplissent dignement des premieres charges de l'Estat, qui rendront avec moy ce temoignage à la verité, puis qu'ils sont interessez aussi bien que moy dans l'honneur de leur Maître sous la conduite duquel nous avons fait toutes nos études. Je suis bien aise que cette occasion se soit présentée de purger la memoire d'un si grand homme des calomnies & des foiblesses dont on l'a voulu obscurcir. J'ay une joye tres-sensible de voir que nôtre siecle commence à faire justice à ses ouvrages. Il y a lieu d'esperer dans la suite que Dieu fera le miracle entier en suscitant des gens aussi éclairés & aussi bien intentionnez que vous, qui retabliront la saine doctrine. Je suis, &c.

F I N I S.